

ԱՐՀՄԻՈՒԹԵՆԱԿԱՆ ԱՆՑՈՒԴԱՐՁ

ՄԱՐՏ 2026

Աշխատանքային իրավունքների
պաշտպանության իրազեկման
արշավ Արտաշատում

Հայաստանի արհմիություններ
կոնֆեդերացիայի խորհրդ
անդամները հանդիպել են Արսե
Թորոսյանի հետ



ԲՈՎԱՆԴԱԿՈՒԹՅՈՒՆ



◆ Ողջույնի խոսք

◆ Աշխատանքային իրավունքների պաշտպանության իրազեկման արշավ Արտաշատում

◆ Կին արհմիութենականների դերի արժևորմանը նվիրված միջոցառում Կանանց միջազգային օրվա՝ մարտի 8-ի կապակցությամբ

◆ Քննարկում Կանանց ու աղջիկների նկատմամբ խտրականության դեմ պայքարի վերաբերյալ

◆ Հայաստանի արհմիությունների կոնֆեդերացիայի խորհրդի անդամները հանդիպել են Արսեն Թորոսյանի հետ

ՈՂՋՈՒՅՆԻ ԽՈՍՔ

«Արհմիութենական անցուդարձ» ամսագիրն լուսաբանում և հանրահռչակում է Հայաստանի արհմիությունների կոնֆեդերացիայի (ՀԱՄԿ) կողմից կատարված աշխատանքները: Այս ամսագիրը դարձել է հարթակ, որտեղ ներկայացվում են արհմիութենական առօրյա կարևոր իրադարձությունները, ծրագրերը և միջոցառումները, որոնք նպաստում են աշխատողների իրազեկմանն ու նրանց աշխատանքային, սոցիալական, տնտեսական և մասնագիտական իրավունքների պաշտպանությանը: Այսօր, ավելի քան երբևէ, տեղեկացված լինելը կարևոր է, և մենք շարունակում ենք մեր գործն՝ ամրապնդելով արհմիութենական շարժումը Հայաստանում և տարածելով տեղեկատվություն:



**Կին արհմիութենականների դերի արժևորմանը նվիրված միջոցառում
Կանանց միջազգային օրվա՝ մարտի 8-ի կապակցությամբ**

Կանանց միջազգային օրվա՝ մարտի 8-ի կապակցությամբ Շինարարության և շինանյութերի արդյունաբերության աշխատողների արհեստակցական կազմակերպությունների ճյուղային հանրապետական միությունը կազմակերպել էր տոնական միջոցառում՝ նվիրված ուլորտի կին արհմիութենականներին:

Միջոցառմանը մասնակցում էին ճյուղային հանրապետական միությանն անդամակցող արհեստակցական կազմակերպությունների կին անդամներն ու ներկայացուցիչները: Հանդիպման ընթացքում ընդգծվեց կանանց կարևոր դերը ուլորտի զարգացման, աշխատողների իրավունքների պաշտպանության և արհմիութենական շարժման ամրապնդման գործում:

ՀԱՄԿ-ի նախագահը և Ճյուղային հանրապետական միության ներկայացուցիչները շնորհավորեցին ներկաներին Կանանց միջազգային օրվա առթիվ՝ նշելով, որ կանանց ակտիվ ներգրավվածությունը նպաստում է հավասար հնարավորությունների, արժանապատիվ աշխատանքի և սոցիալական արդարության սկզբունքների առաջմղմանը: Նրանք բարձր գնահատեցին ուլորտում աշխատող կանանց մասնագիտական ու հասարակական գործունեությունը, ինչպես նաև նրանց ներդրումն արհմիութենական կառույցների զարգացման գործում:

Միջոցառման ավարտին Շինարարության և շինանյութերի արդյունաբերության աշխատողների արհեստակցական կազմակերպությունների ճյուղային հանրապետական միության կողմից կազմակերպվեց մրցանակաբաշխություն, որի ընթացքում արհմիութենական գործունեության, երկարամյա և բարեխիղճ աշխատանքի համար մի շարք կին արհմիութենականներ արժանացան պատվոգրերի և խրախուսանքների:

Միջոցառումն անցավ ջերմ և տոնական մթնոլորտում ևս մեկ անգամ ընդգծելով կանանց նշանակալի ներդրումը ուլորտի և արհմիութենական շարժման զարգացման գործում:





ՔՆՆԱՐԿՈՒՄ ԿԱՆԱՆՑ ՈՒ ԱՂՋԻԿՆԵՐԻ ՆԿԱՏԱԿԱՄԲ ԽՏՐԱԿԱՆՈՒԹՅԱՆ ԴԵՄ ՊԱՅՔԱՐԻ ԿԵՐԱԲԵՐՅԱԼ

Մարտի 18-ին Հայաստանի Հանրապետության արտաքին գործերի նախարարության նախաձեռնությամբ կայացավ մոնիտորինգային այցով Հայաստանում գտնվող Կանանց ու աղջիկների նկատմամբ խտրականության դեմ պայքարի հարցերով ՄԱԿ աշխատանքային խմբի անդամների, Հայաստանի արհմիությունների կոնֆեդերացիայի և Հայաստանի գործատուների հանրապետական միության ներկայացուցիչների աշխատանքային հանդիպում:

Հանդիպման ընթացքում քննարկվել են ԱՄԿ թիվ 190 Կոնվենցիայի վավերացման հետ կապված հետազա գործողությունները, խնդիրները և ռազմավարությունները:

Հայաստանի արհմիությունների կոնֆեդերացիայի նախագահի տեղակալ Տիրուհի Նազարեթյանը ներկայացրեց արհմիությունների կողմից իրականացված աշխատանքները կոնվենցիայի վավերացման, ինչպես նաև առկա օրենսդրական բացերը, խնդիրները և խոչընդոտները:

Հանդիպման մասնակիցները փաստեցին, որ համագործակցությունը և ջանքերի մեկտեղումը անհրաժեշտ է Կոնվենցիայի լիարժեք կիրառման, խտրականություններից և ոտնձգություններից զերծ՝ կայուն և անվտանգ աշխատանքային միջավայր ունենալու համար:

ՀԱՅԱՍՏԱՆԻ ԱՐՀՄԻՈՒԹՅՈՒՆՆԵՐԻ ԿՈՆՖԵՐԵՆՑԻԱՅԻ ԽՈՐՀՐԴԻ ԱՆԴԱՄՆԵՐԸ ՀԱՆԴԻՊԵԼ ԵՆ ԱՐՍԵՆ ԹՈՐՈՍՅԱՆԻ ՀԵՏ

Հայաստանի արհմիությունների կոնֆեդերացիայի (ՀԱՄԿ) խորհրդի անդամները հանդիպում են ունեցել Աշխատանքի և սոցիալական հարցերի նախարար Արսեն Թորոսյանի հետ՝ բարձրացնելու և քննարկելու աշխատողների իրավունքների պաշտպանությանն առնչվող առաջնահերթ հարցերը: Հանդիպման ընթացքում ՀԱՄԿ ներկայացուցիչները ներկայացրել են աշխատանքի ոլորտում առկա հիմնախնդիրները՝ առանձնահատուկ ուշադրություն դարձնելով աշխատողների իրավունքների խախտումների դեպքերին, աշխատանքի անվտանգության անբավարար պայմաններին, ինչպես նաև կոլեկտիվ պայմանագրերի կիրառման սահմանափակ պրակտիկային: Ընդգծվել է, որ աշխատողների շահերի արդյունավետ պաշտպանությունը հնարավոր է միայն ուժեղ և անկախ արհմիությունների գործունե մասնակցության պայմաններում:

Հայաստանի արհմիությունների կոնֆեդերացիայի խորհրդի անդամները կարևորել են սոցիալական երկխոսության ինստիտուտի զարգացումը և նշել, որ պետություն-արհմիություն-գործատու եռակողմ համագործակցությունը պետք է ունենա գործնական և ոչ ձևական բնույթ: Նշվել է նաև, որ անհրաժեշտ է ապահովել արհմիությունների լիարժեք ներգրավվածությունը աշխատանքի և սոցիալական քաղաքականությունների մշակման և իրականացման գործընթացներում:

ՀԱՄԿ ներկայացուցիչները բարձրացրել են նաև աշխատանքի օրենսդրության կիրառման խնդիրները՝ շեշտելով վերահսկողական մեխանիզմների ուժեղացման, աշխատողների իրավունքների պաշտպանության արդյունավետ գործիքների ներդրման և աշխատանքի տեսչական համակարգի դերակատարության բարձրացման անհրաժեշտությունը:

Իր հերթին, Աշխատանքի և սոցիալական հարցերի նախարար Արսեն Թորոսյանը ներկայացրել է ոլորտում իրականացվող բարեփոխումները և նախարարության մոտեցումները՝ ուղղված սոցիալական պաշտպանության համակարգի զարգացմանը և զբաղվածության խթանմանը: Նա ընդգծել է արհմիությունների հետ համագործակցության կարևորությունը և պատրաստակամություն հայտնել շարունակելու կառուցողական երկխոսությունը:

Հանդիպման ավարտին կողմերը վերահաստատել են համագործակցության խորացման պատրաստակամությունը՝ կարևորելով աշխատողների իրավունքների պաշտպանության ամրապնդումը, արժանապատիվ աշխատանքի պայմանների ապահովումը և սոցիալական արդարության խթանումը:



<https://hamk.am/hayastani-arhmiutyunneri-konfederatsiayi-khorhri-andamneri-handipel-en-arsen-torosyani-het>

<https://www.facebook.com/pagehamk/posts/pfbid033jgTsVrHV6Y3kmTJFoAkwegQ6jFqWvc8h2PeidAgJKyFv44o5CxfGHN9XBz9WQvFI>



Հայաստանի արհմիությունների կոնֆեդերացիա
Հասցե՝ Վազգեն Սարգսյան 26/3, Երևան, ՀՀ
Հեռ.՝ +37410 583682
www.hamk.am
hamk@hamk.am